

IZMJENE I KOREKCIJE ZAKLJUČAKA SA ŠESTE JAVNE DEBATE ODRŽANE 5.2.2010.godine

„Počinitelji i žrtve krivičnih djela su naša djeca-Spriječimo maloljetničko prestupništvo“

Na šestoj javnoj debati „Počinitelji i žrtve krivičnih djela su naša djeca-spriječimo maloljetničko prestupništvo“, koju je Centar za kulturu dijaloga organizirao 5.2.2010.godine u UNITIC Centru, izvršen je monitoring obećanog-realizovanog, te analiza sprovedenih akcija i aktivnosti koje su predviđene Strategijom protiv maloljetničkog prestupništva u BiH. Debati su prisustvovali predstavnici pravosudnih, bezbjednosnih i obrazovnih institucija, predstavnici nevladinih organizacija, Ministarstva za ljudskih prava i izbjeglice BiH i Koordinacionog tijela za implementaciju Strategije protiv maloljetničkog prestupništva na nivou BiH, Vlade Kantona Sarajevo, Grada Sarajevo, Ministarstva civilnih poslova, Ministarstva unutrašnjih poslova Kantona Sarajevo, Disciplinskog centra Vogošća, Zavoda HUM, Suda BiH, medija i brojni drugi gosti.

Potignuti rezultati su predstavljeni multimedijalnom prezentacijom po sljedećim sektorima: pravosuđe, bezbjednost, obrazovanje, nevladine organizacije, Ministarstvo za ljudska prava i izbjeglice BiH i Koordinaciono tijelo za implementaciju Strategije protiv maloljetničkog prestupništva u BiH, Vlada Kantona Sarajevo, Grad Sarajevo, Ministarstvo civilnih poslova i mediji.

Naglašeno je da je materijal korišten za pripremu prezentacije počivao na izvještajima, koji su na zahtjev stigli na adresu organizatora, dnevnim novinama i web stranicama nadležnih institucija. Prije debate organizatoru su dostavljeni izvještaji o postignutom Grada Sarajeva, Prosvjetno-pedagoškog zavoda, Zavoda za vaspitanje muške djece i omladine HUM te udruženja „Akcija građana“.

Nekolicina predstavnika vladinog sektora je iznijela svoja neslaganja sa predstavljenim rezultatima, ali u većini slučajeva, nisu dali nove podatke za korekciju. Zbog toga je, u zaključnom dijelu debate, dogovoreno da će, na osnovu pitanja koja će biti dostavljena, u roku od 3 dana vladine institucije poslati izmjene i korekcije navedenih podataka, sa dokaznim materijalom.

Kako je ovo bio zaključak debate, organizator je ostavio vremenski rok za podnošenje primjedbi i izmjena na predstavljene rezultate, stoga je i podnošenje finalnog izvještaja sa javne debate prolongirano.

Iako su predstavnici vladinih institucija inisistirali da im se dostave upiti za korekcije, organizator nije dobio većinu odgovora. U predviđenom vremenskom roku, na adresu organizatora su stigla samo tri dopisa, od kojih je samo jedan sadržavao nove informacije, stoga i korekciju. Pristigle odgovore možete pogledati [ovdje](#). SLIKE SKENIRANIH DOPISA

Kako nije bilo većih izmjena i korekcija zaključaka, zaključci predstavljeni na šestoj javnoj debati su konačni i važeći. Finalne zaključke možete pogledati [ovdje](#). LINK PREZENTACIJA ZAKLJUČAKA